



# 欽定四庫全書薈要

史部  
正史類

吉林出版集團有限責任公司  
海天出版社

# 目次

| 書名                                                                                                                                                                                                     | 卷次               | 頁次                                                                                                      | 作者            |
|--------------------------------------------------------------------------------------------------------------------------------------------------------------------------------------------------------|------------------|---------------------------------------------------------------------------------------------------------|---------------|
| <p>宋史</p> <p>卷一八〇<br/>志第一三三 食貨下二</p> <p>卷一八一<br/>志第一三四 食貨下三</p> <p>卷一八二<br/>志第一三五 食貨下四</p> <p>卷一八三<br/>志第一三六 食貨下五</p> <p>卷一八四<br/>志第一三七 食貨下六</p> <p>卷一八五<br/>志第一三八 食貨下七</p> <p>卷一八六<br/>志第一三九 食貨下八</p> | <p>卷一八〇—卷二二七</p> | <p>一三三一—一</p> <p>一三三一—一八</p> <p>一三三一—三九</p> <p>一三三一—五七</p> <p>一三三一—七五</p> <p>一三三一—九一</p> <p>一三三一—〇九</p> | <p>元・托克托撰</p> |

書

名

卷

次

頁

次

作

者

卷一八七

志第一四〇 兵一

卷一八八

志第一四一 兵二

卷一八九

志第一四二 兵三

卷一九〇

志第一四三 兵四

卷一九一

志第一四四 兵五

卷一九二

志第一四五 兵六

卷一九三

志第一四六 兵七

卷一九四

志第一四七 兵八

卷一九五

志第一四八 兵九

一三三—一二六

一三三—一四三

一三三—一五三

一三三—一六六

一三三—一八二

一三三—二〇二

一三三—二一九

一三三—二三六

一三三—二五一

| 書名    | 卷次 | 頁次      | 作者 |
|-------|----|---------|----|
| 卷一九六  |    | 一三三—二六四 |    |
| 志第一四九 |    | 兵一〇     |    |
| 卷一九七  |    | 一三三—二八三 |    |
| 志第一五〇 |    | 兵一一     |    |
| 卷一九八  |    | 一三三—二九四 |    |
| 志第一五一 |    | 兵一二     |    |
| 卷一九九  |    | 一三三—三二三 |    |
| 志第一五二 |    | 刑法一     |    |
| 卷二〇〇  |    | 一三三—三二九 |    |
| 志第一五三 |    | 刑法二     |    |
| 卷二〇一  |    | 一三三—三四二 |    |
| 志第一五四 |    | 刑法三     |    |
| 卷二〇二  |    | 一三三—三五九 |    |
| 志第一五五 |    | 藝文一     |    |
| 卷二〇三  |    | 一三三—三七八 |    |
| 志第一五六 |    | 藝文二     |    |
| 卷二〇四  |    | 一三三—三九七 |    |
| 志第一五七 |    | 藝文三     |    |

| 書名                                                                                                                                                                                | 卷次 | 頁次                                                                                              | 作者 |
|-----------------------------------------------------------------------------------------------------------------------------------------------------------------------------------|----|-------------------------------------------------------------------------------------------------|----|
| 卷二〇五<br>志第一五八 藝文四<br>卷二〇六<br>志第一五九 藝文五<br>卷二〇七<br>志第一六〇 藝文六<br>卷二〇八<br>志第一六一 藝文七<br>卷二〇九<br>志第一六二 藝文八<br>卷二一〇<br>表第一 宰輔一<br>卷二一一<br>表第二 宰輔二<br>卷二一二<br>表第三 宰輔三<br>卷二一三<br>表第四 宰輔四 |    | 一三三—四一三<br>一三三—四三一<br>一三三—四四八<br>一三三—四六八<br>一三三—四八八<br>一三三—四九七<br>一三三—五一四<br>一三三—五三一<br>一三三—五四七 |    |

| 書名                                                                             | 卷次 | 頁次                                       | 作者 |
|--------------------------------------------------------------------------------|----|------------------------------------------|----|
| 卷二一四<br>表第五 宰輔五<br>卷二一五<br>表第六 宗室世繫一<br>卷二一六<br>表第七 宗室世繫二<br>卷二一七<br>表第八 宗室世繫三 |    | 一三三―五七四<br>一三三―五九四<br>一三三―六二〇<br>一三三―六四七 |    |

欽定四庫全書薈要

史部  
宋史卷一百八十一

欽定四庫全書薈要卷五千八百八

史部

宋史卷一百八十

元中書右丞相總裁托克托等修

食貨志第一百三十三

錢幣



錢幣錢有銅鐵二等而折二折三當五折十則隨時立制行之久者唯小平錢夾錫錢最後出宋之錢法至是而壞蓋自五代以來相承周唐舊錢其別鑄者殊鮮太祖初鑄錢文曰宋通元寶凡諸州輕小惡錢及鐵鑄錢悉禁之詔到限一月送官限滿不送官者罪有差其私鑄者皆棄市銅錢關出江南塞外及南蕃諸國差定其法至二貫者徒一年三貫以上棄市募告者賞之江南錢不得至江北蜀平聽仍用鐵錢開寶中詔雅州百丈縣置監冶鑄禁銅錢入兩川太平興國四年始開其禁而鐵錢不出境令民輸租及權利鐵錢十納銅錢一時銅錢已竭民甚苦之商賈爭以銅錢入川界與民互市

詳校官編修臣王天祿

欽定四庫全書

宋史  
卷一百八十

一

銅錢一得鐵錢十四明年轉運副使張諤言川峽鐵錢十直銅錢一輸租即十取二舊用鐵錢十易銅錢四百自平蜀沈倫等悉取銅錢上供及增鑄鐵錢易民銅錢益買金銀裝發頗失裁制物價滋長鐵錢彌賤請市蕃人銅斤給鐵錢十可以大獲銅鑄錢民租當輸錢者許且輸銀絹候銅錢多即漸令輸又詔令市蕃人銅斤給鐵錢五百餘皆從之然銅卒難得而轉運副使聶詠轉運判官范祥皆言民樂輸銅錢請歲遞增一分後十歲

欽定四庫全書

宋史  
卷一百八十

二

則全取銅錢詔如所請祥等因以月俸所得銅錢市與民厚取其直於是增及三分民益以為苦或發古塚毀佛像器用纔得銅錢四五坐罪者甚衆知益州辛仲甫具言其弊內使臣吳承勲馳傳審度仲甫集諸縣令佐問之多潛持兩端莫敢正言仲甫以大誼責之乃皆言其不便承勲復命二年遂令川峽輸租權利勿復徵銅錢宋詠等皆坐罪免既而又從西川轉運使劉度之請官以鐵錢四百易銅錢一百後竟罷之平廣南江南亦

聽權用舊錢如川蜀法初南唐李因鑄錢一工為錢千五百得三十萬貫太宗即位詔昇州置監鑄錢令轉運使按行所部凡小山之出銅者悉禁民采並以給官鑄馬太平興國二年樊若水言江南舊用鐵錢於民非便今諸州銅錢尚六七十萬緡虔吉等州未有銅錢各發六七萬緡俾市金帛輕貨上供及博糴穀麥於睦池饒等州產銅之地大鑄銅錢銅錢既不渡江益出新錢則民間錢愈多鐵錢自當不用悉鎔鑄為農器什物以給

欽定四庫全書

宋史  
卷一百八十

三

江北流民之歸附者除銅錢渡江之禁從之自唐天祐中兵亂窘乏以八十五錢為百後唐天成中減五錢漢乾祐初復減三錢宋初凡輸官者亦用八十或八十五為百然諸州私用則各隨其俗至有以四十八錢為百者至是詔所在用七十七錢為百西北邊內屬戎人多賣貨帛於秦階州易銅錢出塞銷鑄為器乃詔吏民闡出銅錢百已上論罪至五貫以上送闕下舊饒州永平監歲鑄錢六萬貫平江南增為七萬貫而銅鉛錫常不

給轉運使張齊賢訪求得南唐承旨丁釗能知饒信等州山谷產銅鉛錫乃便宜調民采取且詢舊鑄法惟永平用唐開元錢料最善即詣闕面陳八年詔增市鉛錫炭價於是得銅八十一萬斤鉛二十六萬斤錫十六萬斤歲鑄錢三十萬貫補釗殿前承旨領三州銅山然民間猶雜用舊大小錢是時以福建銅錢數少令建州鑄大鐵錢並行尋罷鑄而官私所有鐵錢十萬貫不出州境每千錢與銅錢七百七十等外邑鄰兩浙者亦不用雍熙初令江南諸州官庫所貯雜錢每貫及四斤半者送闕下不及者銷毀民間惡錢尚多復申乾德之禁稍峻其法京城居民蓄銅器者限兩月悉送官端拱元年內侍蕭延皓使嶺南還以民間私鑄三等錢來上且言多與蠻人貿易侵敗禁法因詔察民私鑄及銷鎔好錢作薄惡錢者並棄市輒以新惡錢與蠻人博易者抵罪江北諸州所用錢非甚薄惡者新舊大小兼用江南雖用舊大錢淳化四年乃詔每貫及前詔斤數有官監字

號者皆許用不分新舊先是淳化二年宗正少卿趙安易言嘗使蜀見所用鐵錢至輕市羅一匹為錢二萬堅請改鑄一當十大錢御書錢式遣詣川峽路諸州治鑄所在並為御書錢監諸州舊貯小鐵錢悉輦送官民間小錢許送監計數給以大錢若改鑄未集許民大小兼用既而一歲纔成三千餘貫眾皆以為不便會安易入奏事因留不遣遂罷治鑄五年安易復請不許第令川峽仍以銅錢一當鐵錢十荆湖嶺南民輸稅須大錢民以小錢二或三易大錢一官屬以奉錢易於民以規利詔自今吏受民輸但常所通行錢勿却官吏毋得以奉錢換易至道二年始禁道賀州錫官並其價市之以給諸路鑄錢咸平初又申新小錢之禁令官置場盡市之舊犯銅禁七斤以上處死奏裁多蒙減斷然待報常淹緩四年詔滿五十斤以上取裁餘從第減景德四年詔曰鼓鑄錢刀素有程限憫其勞苦特示矜寬自今五月一日至八月一日止收半功本司每歲量支率分錢以

備醫藥十二月令鑄匠每旬停作一日天禧三年詔犯銅鑄石悉免極刑時銅錢有四監饒州曰永平池州曰永豐江州曰廣寧建州曰豐國京師昇鄆杭州南安軍舊皆有監後廢之凡鑄錢用銅三斤十兩鉛一斤八兩錫八兩得錢千重五斤唯建州增銅五兩減鉛如其數至道中歲鑄八十萬貫景德中增至一百八十三萬貫大中祥符後銅坑多不發天禧末鑄一百五萬貫鐵錢有三監邛州曰惠民嘉州曰豐遠興州曰濟衆益州雅州舊亦有監後並廢大錢貫十二斤十兩以準銅錢嘉邛二州所鑄錢貫二十五斤八兩銅錢一當小鐵錢十兼用後以鐵重多盜鎔為器每二十五斤幣之直二千大中祥符七年知益州凌策言錢輕則易齎鐵少則鎔者鮮利於是詔減景德之制其見使舊錢仍用如故歲鑄總二十一萬貫諸路錢歲輸京師四方由此錢重而貨輕景祐初詔三司以江東福建廣南歲輸緡錢合三十餘萬易為金帛錢流民間許申為三司度支判官建

欽定四庫全書

宋史  
卷一百八十

六

議以藥化鐵與銅雜鑄輕重如銅錢法銅居三分鐵六分皆有奇贏亦得錢千費省而利厚詔申用其法鑄於京師大率鑄錢雜鉛錫則其液流連而易成申雜以鐵流澁而多不就工人苦之初命申鑄萬緡逾月裁得萬錢申性詭譎少成事自度言無效乃求為江東轉運使欲用其法於江州朝廷從之因詔申即江州鑄百萬緡毋漏其法中外知其非是而宰相主之卒無成功初太宗改元太平興國更鑄太平通寶淳化更鑄又親書淳化元寶作真行草三體後改元更鑄皆曰元寶而冠以年號至是改元寶元文當曰寶元元寶仁宗特命以皇宋通寶為文慶厯以後復冠以年號如舊自天聖以來毀錢鑄鐘及為銅器皆有禁慶厯初闢出銅錢視舊法第加其罪錢千為首者抵死五年泉州青陽鐵冶大發轉運使高易簡不俟詔置鐵錢務于泉欲移銅錢于內地梓州路轉運使崔輔判官張固亦請即廣安軍魚子鐵山采礦炭置監於合州并銷售小錢以鑄減輕大錢

欽定四庫全書

宋史  
卷一百八十

七

未得報先移合州相地置監州以上聞朝廷以易簡輔固為擅鑄錢皆坐貶軍興陝西移用不足始用知商州皮仲容議采洛南縣紅崖山號州青水冶青銅置阜民朱陽二監鑄錢既而陝西都轉運使張奎知永興軍范雍請鑄大銅錢與小錢兼行大錢一當小錢十又請因晉州積鐵鑄小錢及奎徙河東又鑄大鐵錢於晉澤二州亦以一當十助關中軍費未幾三司奏罷河東鑄大鐵錢而陝西復采儀州竹尖嶺黃銅置博濟監鑄大錢

欽定四庫全書

宋史  
卷一百八十

八

因敕江南鑄大銅錢而江池饒儀號又鑄小鐵錢悉輦致關中數州錢雜行大約小銅錢三可鑄當十大銅錢一以故民間盜鑄者衆錢文大亂物價翔踴公私患之於是奎復奏晉澤石三州及威勝軍日鑄小鐵錢獨留用河東河東鐵錢既行盜鑄獲利什六錢輕貨重患如陝西知并州鄭戢請河東鐵錢以二當銅錢一行之一年又以三當一或以五當一罷官爐日鑄且行舊錢而契丹亦鑄鐵錢易並邊銅錢慶厯末葉清臣為三司使

與學士張方平等上陝西錢議曰關中用大錢本以縣官取利太多致姦人盜鑄其用日輕比年以來皆虛高物估始增直於下終取償於上縣官雖有折當之虛名乃受虧損之實害揀弊不先自損則法未易行請以江南儀商等州大銅錢一當小錢三小鐵錢三當銅錢一河東小鐵錢如陝西亦以三當一且罷官所置爐自是姦人稍無利猶未能絕濫錢其後詔商州罷鑄青黃銅錢又令陝西大銅錢大鐵錢皆以一當二盜鑄乃止然

欽定四庫全書

宋史  
卷一百八十

九

令數變兵民耗於資用類多咨怨久之始定方大錢之行有劉義叟者語人曰是於周景王所鑄無異上其感心腹之疾乎已而果然語在本傳時興元府西縣增置濟遠監而韶州天興銅大發歲采二十五萬斤詔即其州置永通監後濟遠監廢儀州博濟監既廢復置皇祐中饒池江建韶五州鑄錢百四十六萬緡嘉邛興三州鑄大鐵錢二十七萬緡至治平中饒池江建韶儀六州鑄錢百七十萬緡而嘉邛以率買鐵炭為擾自嘉祐四

年停鑄十年以休民力至是獨興州鑄錢三萬緡熙寧初同華二州積小鐵錢凡四十萬緡詔賜河東以鐵償之四年陝西轉運副使皮公弼奏自行當二錢銅費相當盜鑄衰息請以舊銅鉛盡鑄詔聽之自是折二錢遂行於天下京西轉運使吳幾復建議鄆唐均房金五州多林木而銅鉛積於淮南若由襄鄆轉致鄆唐等州置監鑄錢可以紓錢重之弊神宗是之而王安石沮之其議遂寢後乃詔京西淮南兩浙江西荆湖五路各置鑄

欽定四庫全書

宋史  
卷一百八十

十

錢監江西湖南十五萬緡餘路十萬緡為額仍申熟錢斤重之限又以興國軍睦衡舒鄆惠州既置監六通舊十六監水陸回遠增提點之官時諸路大率務於增額韶惠州永通阜民監舊額八十萬至七年增三十萬及折二凡五十萬後衛州黎陽監歲增折二凡五萬緡西京阜財監歲增市易本錢凡十萬緡興州濟衆監歲增七萬二千餘緡陝西三銅錢監各歲增五萬緡而睦州則置神泉徐州則置寶豐梧州以鉛錫易得萬州以多

鐵礦皆置監又詔秦鳳等路即鳳翔府斜谷置監已而所鑄錢青銅夾錫脆惡易毀罷之然私錢往往雜用不能禁至是法弊乃詔禁私錢在官惡錢不堪用者別為模以鑄商號洛南增三監耀鄜權置兩監通永興華河中陝舊監為九以給改鑄永興鄜耀河中陝去鐵冶遠聽改鑄一年罷商洛南華號最近鐵冶聽久置鄜州等五監候罷改鑄并其工作歸永興等四監專鑄大錢所鑄大鐵錢約補及所廢偽錢及可以待文子所用而止

欽定四庫全書

宋史  
卷一百八十

十二

八年詔河東鑄錢七十萬緡外增鑄小錢三十萬緡於是知太原韓絳請放陝西令本重模精以息私鑄之弊初薛向鑄鐵錢於陝西後許彥先鑄於廣南既而民不使用神宗欲遂罷之王安石固爭乃詔京師畿內並罷其行於四方蓋如故元豐以後西師大舉邊用匱闕徐州置寶豐下監歲鑄折二錢二十萬緡轉移陝府于時同渭秦隴等州錢監廢置移徙不一銅錢官多建言鑄錢事不盡行而又自弛錢禁民之銷毀與夫闌出境外

者為多張方平嘗極諫曰禁銅造幣盜鑄者抵罪至死示不與天下共其利也故事諸監所鑄錢悉入于王府歲出其奇羨給之三司方流布于天下然自太祖平江南江池饒建置爐歲鼓鑄至百萬緡積百年所入宜乎貫朽於中藏充足於民間矣比年公私上下並苦乏錢百貨不通人情窘迫謂之錢荒不知歲所鑄錢今將安在夫鑄錢禁銅之法舊矣今敕具載而自熙寧七年頒行新敕刪去舊條削除錢禁以此邊關重車而出海船

欽定四庫全書

宋史  
卷一百八十

十三

飽載而回聞沿邊州軍錢出外界但每貫收稅錢而已錢本中國寶貨今乃與四裔共用又自廢罷銅禁民間銷毀無復可辦銷鎔十錢得精銅一兩造作器用獲利五倍如此則逐州置鑪每鑪增數是猶畎澮之益而供尾閭之泄也元豐八年哲宗嗣位復中錢幣闡出之禁如嘉祐編敕罷徐州寶豐鼓鑄詔戶部條諸監之可減者凡增置鑄錢監十四皆罷之陝西行鐵錢至陝府以東即銅錢地民以鐵錢換易有輕重不等之患元祐六

年乃議限東行有稅物者以十分率之止許易二分人毋得過五十八年命公私給納貿易並專用鐵錢而官帑銅錢以時計置運致內郡商旅願於陝西內郡入便銅錢給據請於別路者聽仍定加饒之數每百緡河東京西加饒三千在京餘路四千先是太祖時取唐飛錢故事許民入錢京師於諸州便換其法商人入錢左藏庫先經三司投牒乃輸於庫開寶三年置便錢務令商人入錢詣務陳牒即輦致左藏庫給以券仍敕諸州凡

欽定四庫全書

宋史  
卷一百八十

十三

商人賣券至當日給付違者科罰至道末商人入便錢一百七十餘萬貫天禧末增一百一十三萬貫至是乃復增定加饒之數行焉折二銅錢又定鈎致之法初欲復舊止行於本路議者謂關東諸路既已通行奪彼予此理亦非便且陝右所用折二鐵錢止當一小銅錢即折二銅錢盡歸陝西不直般運費廣狎難鈎致且與鐵錢一等慮鐵錢轉更加輕乃令折二銅錢寬所行地聽行於陝西一路及河東晉絳石慈隰州京西西京河陽

許汝鄭金房均鄧等州餘路則禁仍限二年毋更用在民間者聽以輸買納在官帑者以輸上供即非沿流地或數無上供者所隸運司移發輸京師尋詔更鑄小銅錢河東安撫提刑司言頃絳州垣曲縣置監鼓鑄銅錢費且不給今已廢監又禁折二銅錢不通行非便乃聽行使如舊供備庫使鄭价使契丹還言其給輿箱者錢皆中國所鑄乃增嚴三路關出之法熙豐間銅鐵錢嘗並行銅錢千易鐵錢千五百未聞輕重之弊及後銅錢日少鐵錢滋多紹聖初銅錢千遂易鐵錢二千五百鐵錢寔輕元符二年下陝西諸路安撫司博究利害於是詔陝西悉禁銅錢在民間者令盡送官而官銅悉取就京西置監永興帥臣陸師閔言既揀毀私錢禁銅罷治則物價當減願下陝西州縣凡有市買並準度銅錢之直以平其價詔用其言而豪賈富家多不便徽宗嗣位通判鳳州馬景夷言陝西自去年罷使銅錢續遣官措置錢法未聞有深究錢弊輕重灼見利害者銅錢流注

欽定四庫全書

宋史  
卷一百八十

四

天下雖千百年未嘗有輕重之患獨鐵錢局於一路所可通交易有無者限以十州之地欲無滯礙安可得乎又諸州錢監鼓鑄不已歲月增多以鼓鑄無窮之錢而供流轉有限之用更數十年積滯一隅暴如丘山公私為害又倍於今日矣謂宜弛其禁界許鄰近陝西河東等路特不入京城外凡解鹽地州縣並許通行折二鐵錢如此則流注無窮久遠自無輕重之患繼而言者謂鐵錢重滯難以齎遠民間皆願復用銅錢當公私匱乏之時諸路州縣官私銅錢積貯萬數反無所用乃詔銅鐵錢聽民間通行而銅錢止用羅買建中靖國元年陝西轉運副使孫傑以鐵錢多而銅錢少請復鑄銅錢俟銅鐵錢輕重稍均即聽兼鑄崇寧元年前陝西轉運判官都貺復請權罷陝西鑄鐵錢戶部尚書吳居厚言江池饒建錢額不敷議減銅增鉛錫歲可省銅三十餘萬斤計增鑄錢十五萬九千餘緡所鑄光明堅韌與見行錢不異詔可然課猶不登二年居厚乃請檢用前後上

欽定四庫全書

宋史  
卷一百八十

五

供鑄錢條約視其登耗之數別定勸沮之法會蔡京當政將以利惑人主託假紹述肆為紛更有許天啓者京之黨也時為陝西轉運副使迎合京意請鑄當十錢五月始令陝西及江池饒建州以歲所鑄小平錢增料改鑄當五大銅錢以聖宋通寶為文繼而并令舒睦衡鄂錢監用陝西式鑄折十錢限今歲鑄三十萬緡鐵錢二百萬緡募私鑄人一為官匠并其家設管以居之號鑄錢院謂得昔人招天下亡命即山鑄錢之意所鑄銅錢通行諸路而陝西河東四川係鐵錢地者禁之第鑄於陝西鐵錢地而已自熙寧以來折二錢雖行民間法不許運致京師故諸州所積甚多至是發運司因請以官帑所有折二錢改鑄折十錢三年遂罷鑄小平錢及折五錢置監於京城所復徐州寶豐衛州黎陽監並改鑄折二錢為折十舊折二錢期一歲勿用大嚴私鑄之令民間所用鑄石器物並官造鬻之輒鑄者依私有法加二等命諸路轉運司於沿流順便地隨宜增置錢監俾

民以所有折二錢換納於官運致所增監改鑄折十錢二廣產鐵令鼓鑄小鐵錢止行於兩路其公私銅錢兌換運輸元豐庫仍於潯州置鐵錢監依陝西料例鑄當二錢四年立錢綱驗樣法崇寧監以所鑄御書當十錢來上緡用銅九斤七兩有奇鉛半之錫居三之一詔頒其式於諸路令赤仄及烏背書畫分明時趙挺之為門下侍郎繼拜右僕射與蔡京議多不合因極言當十錢不便私鑄寢廣乃令提刑司歲較巡捕官一路所獲多寡繼令福建廣南毋行用第鑄以上供及給他路凡為人附帶若封識影庇私鑄錢者悉論以法毋得贖贖其置鑄錢院蓋將以盡收所在亡命盜鑄之人然犯法者不為止乃命荆湖南北江南東西兩浙並以折十錢為折五舊折二錢仍舊慮冒法入東北也今以江為界淮南重寶錢亦作當五用焉五年兩浙盜鑄尤甚小平錢益少市易濡滯遂命以折五折十上供小平錢留本路江池饒建韶州錢監歲課以八分鑄小平錢二分鑄當

十錢俄詔廣南江南福建兩浙荆湖淮南用折二錢改鑄折十錢皆罷其私置鑄錢院及招置錢戶並停繼復罷鑄當十二分之令盡鑄小平錢荆湖江南兩浙淮南重寶錢作當三在京畿京東西河東河北陝西熙河作當五通寶錢所鑄未多在官者悉封樁在民間者以小平錢納換旋復詔京畿京東西河北河東陝西熙河當十錢仍舊兩浙作當三江南淮南荆湖作當五時錢幣苦重條序不一私鑄日甚御史沈疇奏曰小錢便民久矣古者軍興錫賞不繼或以一當百或以一當千此權時之宜豈可行於太平無事之日哉當十鼓鑄有數倍之息雖日漸之其勢不可遏未幾詔當十錢止行於京師陝西河東河北俄并畿內用之餘路悉禁期一季送官償以小錢換納到者輸於元豐崇寧庫而私錢亦限一季自致計銅直增二分償以小錢隱藏者論如法尋詔鄭州西京亦聽用折十錢禁貿易為二價者東南諸監增鑄小平錢以待償錢而私錢亦改鑄焉折十錢

欽定四庫全書

宋史  
卷一百八十

六

為幣既重一旦更令則民驟失厚利又諸路或用或否往往不盡輸於官冒法私販始令四輔畿內開封府許搜索舟車賞視舊法增倍水陸所由官司失察者皆停替而受納不揀選容私錢其間者以差定罪法又以私錢猥多不能悉禁乃令外路每一私錢計小平錢三以小錢易於官在京以四小平錢易之京師出納及民間貿易並大小錢參用而私鑄小平錢輒行用立搜索告捕罪賞越江淮入汴錢至京者一依當十錢法御史張茂直請嚴私販當十之令綱舟載卸皆選官監索保無藏匿舟車兜擔即疑慮私販者並聽搜索而福建民或私鑄轉入淮浙京東等路者所由州縣官司皆治漏逸之罪不以赦免法滋密矣大觀元年張茂直復言州縣督捕加峻私小黃錢投委江河不敢復出請令東南州縣置水匱封鍵於閘閘中聽民以私錢自投如自首法當三當五錢舟船附帶者亦多棄之江河請下諸路撈漉時蔡京復相再主用折十錢二月首鑄御書當十錢

欽定四庫全書

宋史  
卷一百八十

九